

1365

筠

谿

集

三



詳校官庶吉士臣瑚圖禮

侍讀臣孫球覆勘

總校官庶吉士臣倉聖脈

校對官典簿臣郭祚熾

謄錄監生臣查浩

欽定四庫全書

筠谿集樂府

宋 李彌遜 撰

沁園春

歌枕深軒散帙虛堂畏景屢移漸披襟臨水楮床就月
蓮香拂面竹色侵衣壓玉為醪折荷當醖卧看銀潢星
四垂人歸後伴饑蟬自語宿鳥相依癡兒莫蹈危機悟
四十九年都盡非任紆朱拖紫圍金佩玉青錢流地白
壁如坻富貴浮雲身名零露事事無心歸便歸秋風動

正吳淞月冷尊長鱸肥

寄張仲宗蘆川集誤刊

永遇樂

初夏獨坐西山釣臺新亭

曲逕通幽小亭依翠春事才過看筍成竿等花着果永
晝供閑坐蒼蒼晚色臨淵小立引暮鷗飛墮悄無人一
溪山影可惜被渠分破百年似夢一身如寄南北去留
皆可我自知魚條然濠上不問魚非我隔離呼取舉盃
對影有唱更憑誰和知淵明清流臨賦似得恁麼

其二

用前韻呈張仲宗蘇粹中

五十勞生紫髯霜換白日駒過閉戶推愁綠崖避俗壁
角團蒲坐提壺人至竹根同臥醉帽儘從歌墮夢驚回
滿身疎影露滴月斜雲破 無人自酌有邀皆去我笑雨
翁多可忍凍吟詩典衣沽酒二子應嗤我兩忘一笑調
同今古誰道郢歌無和後之人猶今視昔有能繼麼

念奴嬌

瑤池倒影露華濃羣玉峯巒如洗明鏡平鋪秋水淨寒
鎖一天空翠荷芰風搖蘋蘩波動驚起魚龍戲扶疎桂

影十分光照人世 誰似老子癡頑胡床危坐自引壺
觴醉斗轉參橫歌未徹屋角烏飛星墜對景三人停盃
一問誰會騎鯨去金牛何處玉樓高聳十二

其二

坐上次王
伯開韻

風簾弄影正閒堂永晝香銷人寂軋軋鄰機芳思亂愁
入回文新織燕蹴巢泥鶯喧庭柳好夢無蹤跡那堪春
事背人何計留得 誰似愛酒南鄰岸巾坦腹醉踏西
山碧綵筆陽春傳雁足催我飛觴浮白老去情懷憑君

試看鬢上秋霜色故園千里月華空照相憶

其三

癸卯親老生
辰寄武昌

楚山木落際平蕪千里寒霜凝碧鄂渚波橫何處是當
日孫郎赤壁黃耳音稀白雲望遠又見春消息嘉辰長
日謝池梅蕊初摘遙想黃鶴樓高蘭棣絲管沸傳觴
如織倦客心馳歸路繞不及南飛雙翼固著斑衣重醜
錦字寄遠供甘旨明年歡侍壽期應獻千百

三段子

次韻蘇粹中
寄詠筠莊

層林烟霽巨壁天半鴻飛無路雲斷處兩山之間十萬
琅玕環翠羽轉秀谷枕蘋花汀渚短柳疎籬向暮看臥
龍牛歸橫舟人去平蕪鷗鷺並遊不見鞭鸞侶只僧
前松子隨步回徑險凌風遐想小憩清泉歌茂樹正筍
蕨過如蘇新雨磯下遊魚可數縱窈窕雲開長啟寂寂
誰爭子所世上丹轂朱纓春夢覺南柯何許况榮枯
無定中有歡離愁聚儘笑我詫盤中趣為續昌黎賦會
有人秣馬膏車相屬一樽清醕

水調歌頭

橫山閣
對月

清夜月當午，軒戶踏層冰。樓高百尺，縹渺天闕敞雲扃。
萬里風搖玉樹，吹我衣裾零亂，寒入骨毛輕。徑欲乘之去，
高興遶青冥。神仙說功名，事兩難成。葦汀筠岫深處，
端可寄餘齡。身外營營姑置，對景掀髯一笑，引手接飛螢。
且盡盃中物，日出事還生。

其二

次李伯紀韻
趣開東閣

安石寓絲竹，方朔雜詼諧。昂霄氣概，古來無地可容才。

不見騎鯨仙伯唾手功名事了猿鶴與同儕有意謝軒
冕無計避嫌猜靜中樂山照座月浮盃忘形湛輩一
笑丘壑寫高懷只恐天催玉斧為破烟塵昏翳人自日
邊來東閣動詩興莫待北枝開

其三

次李伯紀
春日韻

松柏漸成趣紅紫勿齊開花神靳惜芳事日日待公來
遙想金葵側處素月華燈相照粧影滿歌臺餘韻寫宮
羽飛落遠山隈逃禪客尊中盡厭長齋且愁風絮斷

送春色攬離懷
命駕何妨千里祗
恐行雲礙轍直
磴挿崔嵬
手拍陽春唱
隔屋借殘盃

其四

次向伯恭薌林見寄韻

不見隱君子
一月比三秋
驚濤如許夢
魂無路絕橫流
安得如雲長
翮命駕不須
千里上下逐
君遊此計杳
難就
注目倚江樓
西風裏多少
恨寄歌頭
飛奴接翼為
我三度下南
州
三得伯恭佳詞
正是天寒日
暮獨釣一江
殘雪
風獵碧莎裘
和子浩然句
一酌散千憂

其五

再用前韻

不上長安道霜鬢幾驚秋故人何在時序欺我去如流
常對洛濱仙伯共說鄉林佳致魂夢與追遊更唱中秋
句得月上東樓雲巖底秋香下楚江頭十年笑傲真
是騎鶴上揚州却憶金門聯轡曉殿催班同到高拱翠
雲裘明目今千里何計緩離憂

其六

八月十五夜集長樂堂月大明常歲所無衆客皆歡戲用伯恭韻作

白髮閩江上幾度過中秋陰晴相半曾見玉塔臥寒流

不似今年三五皎皎冰輪初上天闕恍神遊下視人間
世萬戶月明樓 賢公子追樂事占鰲頭酒酣喝月腰鼓
百面打涼州沉醉儘扶紅袖不管風搖仙掌零露濕輕
裘但恐尊中盡身外復何憂

驀山溪

次李伯紀
梅花韻

衝寒山意未放江頭樹老去恨春遲數花期朝朝暮暮
疎英冷蘂也為有情忙深夜月小庭中絕勝西城路
調元妙手便是春來處醞造十分香更暖借毫端烟雨

狂歌醉客小摘問東風花謝後子成時趣得和羹否

其二

宣城丞
廳雙梅

竹邊柳外兩兩寒梅樹疎影上簾櫳似却那一枝橫暮
玉肌瘦損有恨不禁春縈冰珮整風裳悵望瑤臺路
我來勝賞持酒花深處天曉釀幽香正一霎如酥小雨
江山得助臭味許誰同長安遠故人疎夢到江南否

昆明池

次韻尚書
兄春晚

帳錦籠庭囊香飄榭過了芳時強半覓殘紅蜂鬚趣日

占新綠鶯喉咤暖數花期望得春來去也把酒南山誰
伴更簾幕垂垂惱人飛絮亂落一軒風晚手拍狂歌
揮醉碗笑浪走江頭幾逢歸燕憶黃華曾吹紗帽訝綵縷
催攷紈扇功名事於我如雲謾贏得星星滿簪霜換向
棠棣華間鵲鴿原上莫厭尊壘頻見

十月桃二首

同富季申
賦梅花

浮雲無定任春風萬點吹上寒枝砌外瓏璚暗香夜度簾
幃閑情最宜酒伴勝黃昏冷月清溪風流謝傳夢到華